

19/03/1997

Johor mudahkan pelaburan: Ghani

JOHOR BAHRU, Selasa - Kerajaan Johor tidak mengenakan syarat ketat dalam usahanya menarik pelaburan besar-besaran ke negeri ini, kata Menteri Besar, Datuk Abdul Ghani Othman.

Beliau berkata, ia bertujuan memastikan iklim pelaburan dan pembangunan di negeri ini berjalan seperti dirancangkan.

Menurutnya, pelaburan asing bukan saja dapat mewujudkan peluang pekerjaan kepada rakyat tempatan malah menambah sumber percukaian dan hasil kerajaan negeri.

"Saya menyokong teguran Perdana Menteri, Datuk Seri Dr Mahathir Mohamad yang mahukan kerajaan negeri mengetepikan keuntungan jangka pendek dalam usaha menarik pelaburan," katanya.

(END)